

金  
薯  
傳  
習  
錄

金薯傳習錄下卷

附諸家詩詞歌賦

晉安陳世元捷先氏彙輯

男雲德水

次燮德文

三樹德書

孫代鳴全校刊

金薯歌 併引

神宗甲午臺使者金公撫閩得長邑庠生陳經綸  
所獻呂宋外番薯種礪硿草宅蜿蜒沙磧非蔬非  
菓不幹不支餒可充飢可鼓可饌可糧課植諸郡  
邦人利之弗忘所自咸稱金薯焉夫閩僻處南服  
土瘠民稠火耨水耕僅資糊口若逢旱潦凶歉相  
仍乃今三十年來濱海相沿而不聞災眚者是金  
公大造之功於此邦第子都門待罪奔走靡寧歲  
甲子疏凡六十餘上始獲乞骸歸里嘗扶杖作野

外遊因數著利美其用力少而取功多入土生根  
隔宿即長藤蔓可煨牲畜樵薪不待芻蕘孰知傳  
種一書生疇及國計民生之大利歟賴以濟民資  
以食寧千百載下不與五穀並傳哉爰為之歌曰  
帝德廣運上格天心萬寶珠玉百穀瑯琳土名璫  
璫應瑞遙岑誕厥嘉植山隈水潯既甘且旨匪古  
伊今壺飧以濟災荒弗侵麟哉炳哉帝德高深

金粟頌 并序

度閩海而南有呂宋國度海而西為西洋多產金  
銀行銀如中國行錢西洋諸國金銀皆轉載於此  
以通商故閩人多賈呂宋焉其國有朱薯被野連  
山不待種植夷人率取食之其莖葉蔓生如瓜豈  
黃精之屬而潤澤可食或黃或磨為粉其根如山  
藥山藟如蹲鴟者其皮薄如朱可去皮生食亦可  
熟食亦可釀為酒生食如食葛熟食色如蜜其味  
如食葶薺器貯之有香氣聞室中夷人惟蔓生不

嘗省然恠不與中國人中國人截取其蔓咫許挾  
小籃中以歸於是入閩十餘年矣其蔓雖萎剪插  
種之下地數日即榮故可歸而種其初入閩時值  
閩饑得是而人足一歲其種也不與五穀爭地凡  
瘠鹵沙岡皆可以長糞治之則加大天雨根益奮  
滿即大旱不糞治亦不失徑寸圍泉人鬻之觔不  
直一錢二觔已可飽矣於是耄耆童孺行道鬻乞  
之人皆可以食饑焉得充多焉而不傷下至雞犬

皆食之爰為之頌曰

不需天澤不異人功能守固者也不爭肥壤能守讓者也無根而生久不枯萎能守氣者也予向行江北天大旱五穀不登民食草木之寔今乃佐五穀能助仁者也可以秬可以為酒可祭可賓能助禮者也莖葉皆無可棄其直甚輕其飽易充能助儉者也老者食之而不患哽噎能養老者也童兒食之止其啼能慈幼者也行道鬻乞之人食之能

平等者也。下至雞犬能及物者也。其於士君子也。以代價焉。所以固其廉。以廣施焉。所以助其惠。而諸德脩矣。而吾邑梁肉之家。猶駭然而不敢食。食之則謂同於宴與賤。於是。何子掘而出之。浴之清泉。薦之潔鼎。盛之陶甒。沃以濁酒。而為之歌曰。令珠而如沙。人以之彈。雀令金而如泥。人以之塗。釐令朱。薯而如玉。山之禾。瑤池之苑。人以之為不死之藥。雖不死。藥不足以佐五穀。吾亦不忍其



未玉山苑瑤池獨從羽人於丹邱坐視下界之人  
瘁饑啾啾而不得一嚼

金薯賦并引

陳騶

金薯者何明萬歷間大中丞金公撫閩得種於番  
分植九郡至今濱海享其遺利予居邑之南鄉禾  
嘗不足尤賴乎薯先是海水入內地民田半為潮  
淹沙壓里人患之僉籲於公公為之題蠲故公之  
撫閩余邑被澤為更深衆父老欲建祠祀之崇禎

已卯邑大夫雲間夏諱瑗公下車課士咏古五題  
金公薯其一焉邑之紳士後先歌咏以紀其事茲  
秋吳航集社復拈是題余得分賦自知下里巴詞  
無以導揚前列聊脩輿頌箋言藝林鼓吹云爾  
天德好生誕降嘉珍不華而寔不獲而困未詳於  
草未頌於幽清和詔令南陸聿新靡草丹麓苦菜  
碧塵蚯蚓振野螻蝻叢叟麥秋已告稻花未辰惟  
我嘉植芽蘖胚脈繁莖卒偃嫩葉初陳爰顧農人

南東事揭耕耨迫殊勤勞弗輟或負歌而載芟或  
餉菑而理襁時作息乎莽區亦棲託乎草莽各握  
蔓以類抽互分榮而爭割布碧琬以凝生鹿綠坡  
而鱗越始林下以附蘿旋谷中而施葛翳晴嵐而  
料和薰溽暑而明豁應氣候以調劑運精華而鬱  
勃非蒔蒔以膏凝豈復苓而蟬脫初枕藉以潛滋  
漸纍々而莫過未幾風高九野序迭三秋草木隕  
碧塲圃蕭颼地寒而忽翻瓜隄土裂而亂舞蛭蚰

錯落丹芝於藁壤點綴朱房於塙陬有截如筒有  
溜如篝有削焉圭而拱焉壁有舒焉戟而屈焉鈎  
乍涉園而顧瞻復扶策而踟躕疑蟠螭之縮伸乎  
畎畝寧熒星之散落乎邛邛豈勾漏丹砂之結而  
未碾抑蓬壺冰藕之撒而不收於是禦冬無恙卒  
歲有方歲加百穀積亦千倉羨造物之肇始開庭  
碩之悠長雪土脂而暈潔沃水華而旨昌味甘脆  
而更液性中正而毗涼療饑窘而庖薦滌煩渴而

露嘗水火濟為乾餼甘逾鹿心馬乳稷藥和為佳  
醞香同蟻綠鵝黃剉片剉團越青英於菱茨澄膏  
搗粉發精采於桃榔鼎鬲長調試割烹於匪既筐  
筥載寔信製用之無疆苟異種之不傳斯顓蒙之  
莫則鴻雁起而于飛溝壑填於奚極顧當饑饉之  
臻倍享壺飧之德念灌溉以栽培不拮据於稼穡  
彼若白芨綠葵青蘼紫薑秋菰春韭夏筍冬蔣歲  
臠擅其辛旨殖醢蔚其芬芳究徒灾乎口腹總無

資乎稻梁揆厥先民敢忘所有於乎金公秉樞閤  
地兆萬姓之休徵創百年之美利息瀚海之風濤  
搜山林之瑰異凡冰綃夜光浮磬寶弓超駮巨鰲  
赤豹元熊旁及喬天擁腫藹藪蒙茸無不駢宗明  
盛快覩遭逢是故孤桐降嶧陽之藪篠蕩生荆揚  
之藁葡萄獻大宛之外楠柚貢淮海之東廼薯而  
曰金南國丕生恩垂奕禩澤匝編氓秋聯萬頃貴  
匹專城一人荷鍾八口豐盈薄賜齊公之胙賤視

漢侯之鯖按張梨之得顯憶梁柿之馳聲橙慰心  
於蕪輟瓜寄志於邵平土芝借晦翁而有賦甘棠  
為召伯而留名因感吾閩之有造爰思登岱而勒  
銘

金薯賦

施楠

天朝秀幹呂宋靈根種托平沙不擇土肥土瘠葉蕃南  
國奚分時冷時溫疑秦洞之紅莢行行火齊恍玉  
盤之碧藕處處水痕工不煩乎耕耨用可脩乎饗

殄禾黍既登矣必靈苗海國恩膏遍布聿傳嘉種  
名園爾乃卽屆朱明兮麥雲乍起時當維夏兮梅  
雨初晴碧草斜陽芳塍秀捲菜花平野綺陌香生  
或抱耰鋤以往或負畚鍤而行或類抽而行蔓或  
爭割而分榮或向谷中而播種或從林下而勾萌  
或布疇疇而發育或雜沙地而纍纍采燁々以含  
芳千條嫩葉影離々而映帶滿地繁莖已而序過  
三秋場滌南畝土膏凝結兮蕃衍靡窮地氣薰蒸



芳滋生自廣如珪如璧不論高原下隰之區如戟  
如鈎過生斥鹵墳壚之壤十雙璧種方傳瑪瑙於  
疇中九子粽成已獲珊瑚於隴上千町雲掛冰魂  
渾碧壤雙々四野高風玉幹遍沙痕兩々其生而  
啖之也半彎玉臂劈開皎皎之姿一點櫻唇愛上  
田田之口摘來華峰寒雪齒漱幽香探彼上苑青  
梨味同白藕固知種生沙礫難稱席上之奇珍還  
看寔等葡萄堪向筵中以佐酒其晒而為錢也恍

布地之金錢訝連山之趙壁銀刀剪過紙窓沉碧  
月之輝雪片涵時深院奪梨花之魄喜編氓之各  
足村村迴赤仄之文知蔀屋之非貧處處擁青蚨  
之迹其碎而為粉也藉天孫之杼搗去紅衣憑月  
窟之春澄殘香髓水晶盤內翻來雪浪三千碧玉  
碾中戰過銀濤百萬秦樓月掛粧臺之落粉初沉  
梁苑雲殘雪檻之冰花乍噴真石乳之可幾豈胡  
麻之尚遜其熟而供饌也寶鼎烹香雪後之天漿

自別冰壺煮味霜中之石蜜遙須當一飯再飯之  
功無虞哽噎勝食麦食麻之味寧類茅菅童稚皆  
歡齊歌鼓腹介眉有慶共羨酡顏凡此皆金薯之  
可朝饔夕飧而取携甚便凡此皆金薯之可療饑  
養胃而益人甚深也彼夫梁柿張梨雖云雅品烹  
葵剝棗不廢謳吟孰若海外傳來功留僻壤昔賢  
樹處澤溥蒼黔因為之歌曰靈莖誰種滿山岑惠  
政流傳遍古今欲繪幽風圖一幅金薯久已作棠

陰

金薯頌有序

陳琮

閒攷番薯種句呂宋

稽含草木狀云甘藷薯類之類即番薯也 萎來中

國

何序云其莖雖萎

種邈明朝

本閩書云郡萬厯歲

饑十閩人餓死悲地

毋活祝金公

學閩書云教民種之

荒不蔓 尺莖回

何序云中國人藤隨植茁何序云

為灾 可以長閩書

插其莖尺許云剪插種之

云于芋薯尤易蕃 插

何序云即大年 糞治碩大序

云糞治之始而蒨萼終乃吐根貌似大甌草木狀則加大

葉同紫莧色朱皮薄肉白味甘烏芋汁漿何序

味如芋蘇本草脩要云芋一名烏芋今俗呼尾蒨鳴躑精氣陶隱居云芋

通云鳴躑坐生如葛食蒸類蜜香何序云生食如食

香聞粉傳何郎醉醺妃子何序云或磨為粉童孺

室中適口曲唱紅兔耄耄充腸年忘終縣何序云耄耄

乞之人皆勸齊錢數何序云泉人鬻物賤命尊郡

可以食乘誌詳前人序悉憶子生晚恨獨運垂轆軻硯田

乘誌詳前人序悉憶子生晚恨獨運垂轆軻硯田

榛蕪藝圃宮苑空採野苓未賡早悵珠米昂今欣

王獻諸糧飛艦往返晨夕治地小官吾土者皆呼疊

山類聚俗名葡萄薯者有皮紅肉白名桔薯

者有皮肉俱微黃名鶯哥薯者此薯人盛食之又

有皮淡黃肉濃黃勻粉團香且鬆如芋魁者名芋

薯朱薯外推芋薯味最佳甚至見賓筒便何序云

承祭相向遺者味有濃淡亦隨地土家給糕題近

有蜜氣今人乃有籃貯又貯之瓦器出產地竟以木槭貯當來歲穀食

磨切蒸作糕名酒酌火齊丹砂鼓腹糗充草木狀

糗番薯糗以售者雪堆瓊碎草木狀云廉埒勝國今各地一

蒸切暴収亦一錢不獨明

時泉人 飮溢野城赤帝離、黃軒穰、頌章有咏

異代同賡壤擊興歌康衢並盛頌曰

維薯之蔓先短八寸八尺曰截挾籃中何序云挾同芹之

獻陳氏先世 隨地插苗衍千而萬其象油油亨屯藕困

維薯之葉澤潤而煇山藥山藥葉乃相協何序云其莖葉蔓生如瓜

而潤澤可食 蓁蓁美盛南畝是饁肯酒嘉穀佐食疊、

維薯之根如拳前注見如蹲何序云其根如山 章美內食

可饗可飧一觔隻錢二觔飽溫何序云二斤 廉而不貪

下飼雞豚何序云下至雞犬皆食之

金薯歌

方廷珪

丹素質兮

皮有紅白二色

冰液翡翠蓋兮紫莖鉤連兮子

母蔓衍兮

岡坪不爭三時兮刈插

春夏秋皆可種

無分九

土兮縱橫

地高下俱宜

利不遺兮硯確食可配兮稻稭

襍麴葉兮

宜釀和鹽梅兮調羹礪霏微兮雪屑

為可

粉羅寶鼎兮

玉精蒸熟色明如玉

通薦盤飧兮至足

長福屬

縣比戶儲以作糧

益腸胃兮惟清

能療六病

挈予來兮賈客



賈人傳廣予類兮榕城陳氏之先試種遂永辭兮

自呂宋島服爰隨貢芳

帝京乾入貢品佐秋收兮棲畝匪王稅兮賦平惟金公兮

廣爰明撫軍金公教布良法兮觀成刊有裁歌有

年今在昔奏衢頌兮編氓喜四隩兮均利陳友世

西北近戶永息兮呼庚承降康兮惟億報明德兮

薦馨

金薯歌栢梁體

林瑞泉

昔日来蒔天降康豐年有賜遺澤長負鋤荷鋤遍  
遐方潤枯蘓槁資橐糧熙熙生齒聚井疆陽驕陰  
戰空築場哀此羣黎食糝糠鴻雁集野仰稻梁撫  
閩使者著循良得茲嘉植於海洋割藤剪蔓儲營  
筐治畦布種依高巖秋收不用斗石量牛車前後  
遙相望珊瑚纍寔孕天漿饗殮佐食熙春陽釀隨  
斟醕薦馨香民思功德久不忘始自東南裕蓋蔽  
至今西北步周行吾友陳君惠音將頻年運種膠

乘詳葡萄苜蓿侈漢皇。無閑民食徒傍徨。豈若芥  
產流澤滂。家家鼓腹樂未央。諸葛有菜召有棠。金  
薯名應與俱揚。

金薯歌

葉觀國

四隩既宅人物熙。教民稼穡屬伊耆。水耕火耨隨  
土宜。普將樂利中古時。土物不貴々珍奇。丹砂玳  
瑁輸島夷。遂有鳴鴻集中坻。視將斗粟同珠璣。閩  
中土瘠物產稀。萬歷甲午歲。阻饑誰堪為國作羽。

儀金公開府駐蹕羈傳來嘉種似躡鷗朱皮玉液  
卉服貽剪藤刈蔓伏蛟螭降原陟巘若置棊牛車  
滿載琢鉢基寔累不問地瘠肥

聖朝厯念在民依近來移種遍京畿陳家繼志有佳兒

能將舊乘播良規

其種與法乃陳氏先世得之呂宋獻之金公教民栽種裔孫捷

先賈於青豫復携種刊傳習錄轉以其法教青豫之人

東西南北銘口碑金

公明德於繹思

番薯歌

鄧應聲

於戲異哉奇寶稱海上明珠翠羽紅珊瑚寒不可  
襦饑不可食胡為乎重價千金買一握有之如此  
不如無吾聞山東列樹棗纂纂亦有水國菱芡難  
頭模山谿劖蕨拾橡斗江東茭苗稱葑菰佐食充  
饑聊一飽有口歟歲伏汝餬尚恨不得比五穀千  
倉萬箱難為圖乃知造物何可測養人義利東夷  
隅千古未曾入中土百年始衍閩南隅紫藤綠葉  
密布地如拳如臂丹砂膚肌如白玉漿如醴截肪

瑩雪詎能逾苞茁斥壤千百萬掘之纍纍進嘉厨  
蒸之浮浮香始升色味恍與蜜蠟俱食之小人果  
其腹君子奚翅殮松腴異哉至寶來海外功比諸  
穀無差殊連岡疊嶺有隙土硲确皆可成墳壚大  
畦小畛參差出揮鉏牽蔓完勤劬邇野綠遠彌  
碧那數瓜疇及芋區水潦不愁頗耐旱夏種秋登  
生懽愉海國水田稻再熟增此鼎足輕麥麩兩錢  
一介再三飽長殮直可欺芋奴長年儲胥廣蓄租

南陬竟歲常代舖既多且旨廉厥值黎甿容易寬  
卒瘡孰食况兼可生噉甘蔗來服如其徒孺童黃  
苟爭忻悅和中益胃亡憂虞強健筋力比參朮八  
珍不足誇淳母憶我北遊歷豫晉初春窮子號妻  
孀柳稊榆莢競抉淪煮豈止剥粉榆我為嘗之  
再嘆息美芹敢笑野人愚念我朱薯閩俗呼足薯平聲閩  
海清芬輒羨沿道逢小坊曲巷秦艱食一錢可買  
晨達晡閭閻力作無多事歎文便足養命軀山岵

土窖敵輪囷販夫僂石連舳艫或為玉屑或瓊糝  
或釀清冽驚醍醐富室三殮厭梁肉咀嚼何必分  
酪酥清齋古鼎茶初熟我亦時時薦一盃茯苓琥  
珀列梓椀磊落滿腹行于于濯以清泉雪以紵佐  
以利七西錕鋳小切大嚼隨意可秋風到處思蓴  
鱸古人獨未嘗其味此物今真日所需果蓏還惜  
未及此幽風八月空斲壺鮭菜忽分田野興山澤  
頃改列仙臞賓筵有酒式燕衍橘柚錫貢吾君須



海中珍錯夥奇異南食見者多怪吁佳種安得播  
天下新味略與新意爭高秋長鏡穿雲去盡日春  
山趣采蕪燕代頻聞多教習塞邊風靜鼓無柝民  
依自古足軫念民生一一煩

廟謨異哉至寶遍海嶠君子不鄙之曰麤

地瓜賦

徐輝

瓜以地名厥類孔醜種出珠崖之濱性宜沙礫之  
畝同薯蕷以滋生與菓蔬而為偶烝黎乃粒埒於

九穀之登甘脆是供充乎八家之口既東漸而西  
被亦左宜而右有彼夫初夏分栽及秋並茁匪緹  
圃之堪誇匪孫園之可匹匪會稽之五色稱奇匪  
積石之三年始出随地可種易於蒲蓄生泥托瓜  
為名勝乎水芝含蜜傳自外國萬歷之年方來入  
乎中邦八閩之疆漸溢蔓山遍野不待花而能生  
匝畦盈溝却綠根而有寔爾其紫莖蕃衍翠葉絳  
披生喜就暖性畏淒其雨來而蔓抽軋々秋去而

寔結纍々入地潛藏宛蟠龍而屈蠖垂藤比附若  
採菱而拔茨列諸几筵品更隆於蒲鴿盈乎海甸  
用還溥於躡鷗其種則有南芋東蕃之殊其名則  
有黃鸚粉蝶之類其色則或白如脂或淡如醉或  
與琥珀爭光或與胭脂並媚詭形殊態羊骸虎頭  
之奇玉乳瓊肌獸掌龍啼之異乘雕盤而薦席可  
當學士芋羹寔筠簋以療饑豈讓齊州麥飼食粟  
而外唯此堪佳含哺有需宜宏儲積至若載歸南

畝告成西畹婦子任其取携朝夕資以繾綣剥膚  
見髓如剖冰苑之鮮沁齒餘甘若啖雪藕之嫩磨  
下霏霏細膩玉粉如塵削來片片團圓銀刀不頓  
和麴而千日斯醇逢朋而一杯可勸出之不竭豈  
待餘九餘三用也多方不知以千以萬是其宜饔  
殮佐黍稷脩荒凶供兆億腹可鼓歌人無菜色或  
燔或炙不須倚月而春予取予求寧虞納履之惑  
澹中得味儒士藉以鎮心交際相投農家因之報

德若夫粟代脯以為供筍作殮以自給雖佳味之  
可陳亦片時之偶及何若茲之蕃○廡陌阡續絃  
原隰植於一畝之地將暗長以潛滋歷乎三時之  
天遂黃紆而紫拾甘香可駕衆菓之先京城倍多  
五穀之入標佳品於南閩播芳名於上邑稽諸古  
乘未紀神農之經進厥農書可賡豳風之什歌曰  
維茲嘉種萬億及秬其大如拳其小如指食我農  
夫既多且旨祝屢豐兮今以始樂太平兮媚

天子其利溥哉惟地瓜耳

賦金薯三十六韵

黃翔鳳

稽古神農嘗百草朱薯未入羣芳譜特留嘉種在  
番邦天地全功有待補相承后稷事耕耘胼胝勤  
勞黍稷分啓迪三農生九穀烝民粒食戴元勲素  
王大道傳悠久富教循環誠善誘立言立德與立  
功宇宙稱為三不朽撓君世祖諱振龍貿易呂宋  
駐番封目覩朱薯生被野捐貲帶種暗歸農厥子

肯堂尤汲汲補員食餼居長邑大名不愧作經綸  
秀才已解生民急金公奉詔撫南閩樹德籌荒  
感士民門下書生欣獻策故將嘉種普同仁薯藤  
種法呈金撫撫公又恐非宜土紗帽池邊飭試栽  
秋成累々無計數如拳如臂恣耰鋤生熟煎煨均  
可茹氣味和平堪佐穀羣黎誌喜號金薯遺編訓  
導垂今古行息蕃洊寰海宇飲和食德百餘年繼  
志孫曾繩祖武初從鄞縣植薯苗次向膠州播大

收河北河南皆廣佈祖孫父子著鴻庥種薯利澤  
誰與匹懿厥崇功侔黍稷紀時紀地紀新傳立言  
仍藉斯文筆不分南北與西東無地非宜運不窮  
寔得救荒第一義千秋兆姓賴其功

五言古

邱振芳

維帝育我民稼穡肇皇古旁講種植書蔬果列園  
圃苟可佐粒食理財均有取每慨井地更遠多旱  
潦苦圖易在思艱和寒與暑雨矧乃戶口滋何得



容曠土有薯產呂宋甘腴同稷黍我不患确磽性  
復宜斥鹵硨研遍山村馨香薦筐筥以配三農生  
於鑠天所予狀得諸嵇含教傳於開府携種本陳  
生如法俾藝樹遂令澤國癯含哺腹盡鼓遠邇明  
中葉率育貽來許脩荒法最良充飽功亦鉅捷先  
陳雲仍足跡遍燕魯輒載厥種行欲遣茲澤普祇  
今河南北西成爭快覩於物良有濟攸行率乃祖  
痼瘼本吾儕今乃出良賈誰為我民牧採之獻

當宁

金薯咏

莊琰

靈根產異域中夏滋其息沿襲百餘載從未溯來  
跡莊誦傳習錄方知始萬歷金公引其緒陳子廣  
其績譬如古盛時先農繼以稷代天洩其秘為地  
逞其力四時堪補助百穀賴羽翼生熟無不宜隙  
土儘可植工省易於農利多厚於穡有心民瘼者  
特任為已職推已廣及人由南暨自北旣播以嘉

種復授以法則歲歲收其功家家食其德有益於  
民生宜償以厚寔

金薯詩

鄭洛英

生齒日以繁原田或不足兼之水旱虐無乃生理  
促偉哉造物仁異種佐百穀其始呂宋中繁生被  
岩陸引蔓分町畦纍生相連屬剪莖覆撮土枝葉  
復柔綠既不復春榮亦寧委秋肅一畝之所收連  
篝煖盈華較之秬秠種什伯倍其煖黃者色如蕉

丹者色如麴浮浮而於蒸甘軟如米粟糝糝而於  
羹豐香如脯肉或粉而如膏或屑而如玉渴可以  
生津饑可以果腹剪葉當園蔬抱藤資牧畜雪藕  
少其溫冰菹遜其速百利具此中易生謝灌沃其  
邦頗厲禁不得通販鬻往者陳經綸浮梁至海曲  
歲種筐篚中飄然飛轆軸大長怒羣首悵望空踏  
跼天意之所全生長但倏倏遂令我閩中青葱等  
蘗萬歷間以來百有餘年俗一歲半藉此可以

免育鞠佳名云金薯金公時吾牧有善歸之尊至  
今猶尸祝吁嗟父母心廣廈萬間屋誰紹我陳公  
念彼饑頻願世元今秀者於公雲孫服辛苦嗣箕  
裘江淮相徃復相彼青豫間慈心一悵觸刊書蕪  
載種教之栽林麓輾轉數年間連阡皆蓼蓼硤确  
無棄遺甸墾及巒谷其功豈尋常祖武妙能續憶  
昔吾童年奔走事輶轂河南及山東膏腴極遙矚  
一歲三年儲豈遂無積畜如何偶災祲流離禍尤

酷長官飛 奏章 帑金脩饘粥豈免漏遺多仍  
教老穉哭天高地厚恩博濟未敢卜其時有此薯  
萬或免顛覆救荒寧在多但今無窘歲年歲或不  
登薯可補其縮勝於芡在湖勝於米生竹充食類  
蹲鴟救饑不面鵠靜待秋成期自然起僵伏吾聞  
大宛城所致但苜蓿又聞交趾車薏苡招讒贖寃  
竟於民生無補此鼎餽茲薯若徧栽天壤間之福  
賦詩脩歌謠誰采之 入告無令太平民斗米珠

一斛

前題

張錫麟

君居古之閩貽我種薯編種得自異域功歸於昔  
賢金公洎李公二百有餘年民瘼深動念遺澤相  
後先金公教栽植海外播新傳李公藩東省法則  
尤詳鐫煌煌今再見興利樂八埏緬彼厥嘉種乃  
祖寔獻焉閩乘暨咏歌未及紀其全況君喬梓勤  
廣授不辭跼衛生既有本飲水當有源應附二公

後食報同弗諼

前題

穆元春

西番有嘉種資我中國糧波濤萬頃海道路阻且  
長愴秘不吾與智者密珍藏截取蔓莖好蕪詳種  
植方旱澇非所患硤确不為傷歉歲無饑餒豐年  
足倉箱稻梁堪媲美黍稷有餘香昔歲入閩地課  
行可脩荒而今推教化斯種遂播揚浙土重開曠  
豫青廣築塲能補古不逮力省功倍償誰歟傳厥



美竹策久彌光前有金臺使後有陳膠庠

前題

陳經邦

嘉種何從得移根呂宋國高山與水湄原濕盡蕃  
植播種清明時秋並嘉禾寔生熟皆朶頤紅白相  
間色不比棗與栗果腹如黍稷金公蒞閩疆一一  
傳法則二百有餘年生民尚資食遙憶創業難功  
宜金石勒搨筆愧才疎無以頌公德

金薯傳習錄

五言排律

賦得金薯 五言排律十六韻

曹琢章

百穀標千古金薯獨繼之只依瓜作偶雅共粟相  
資殊域分嘉種隨方協土宜南邦初壅植北地漸  
蕃滋畦町無遺曠栽培不慮溼引藤常蔓蔓結子  
盡纍纍按色濃兼淡呈功渴與饑果然形似蕓乃  
爾味如飴玉質園中歛瓊漿咽後知切雲凝露液

糝雪亮冰肌已給饗殮好還堪醞釀奇多途開噬  
嗑庶類荷由頤歎歲倉箱慶長年樂利貽農經增  
美脩荒政佐敷施未許誇榛栗何須獻棗梨中丞  
留舊法珍重勸鋤犁

前題

梁上治

閩海涖靈種傳來自外方滿園青葉茂匝地紫莖  
長並載羣芳譜常叅百穀場生殮喉舌冷熟啖齒  
牙香細切冰花落輕春雪浪揚貯盤疑玉藕釀酒

即瓊漿萬井多生計千村足歲糧金公遺澤遼南  
國碩甘棠

前題

莊 紹

異域生嘉種佐農益蓋藏金公施遠惠列子費加  
詳立法傳編戶刊書播四方豐年增大有歉歲免  
凶荒易植同蒲葦取困倍稻梁士民沾厚貺特祀  
薦馨香

前題

莊大圭

金公敷善政歷歷恤蒸民傳取殊方種蕙教海內  
人豫州沾厚澤寰宇沐深仁歲稔能加裕年荒足  
救貧勤勞宜享祀功德倍難湮簡帙精神在千秋  
俎豆新

前題

林敦良

嘉種何年降移栽始自明來經呂宋險食佐黍禾  
平遍植隨山野蕃滋任雨晴瘠田存美利歉歲獲  
豐盈掘地珊瑚秀連篝琥珀瑩歲稔分臂指副削

碎瑤瓊饌列莢花飯殼充玉筍羹晒錢月魄淨澄  
粉雪花清不假鹽梅和還看酒醴成秋收欺芋栗  
南食陋薑橙利普安期來功多諸葛菁安脾宜老  
稚鼓腹快蒼生產始通閩粵苗旋播豫荆康衢聞  
擊壤下里樂重更

前題

李玉山

誰挾金薯種擔荷播九垓槎枒膠鎮茁礪硤豫河  
堆芟刈籌逾穀凶荒計莫灾山東人解植薊北地

思裁更遣兒曹去為招農輩來先疇鄣邑肇舊德  
古燕恢跋涉寧忘苦饔飧異類推含哺欣食飽鼓  
腹塵鳴哀經世傳商賈留耕蘊孕胎祖孫頻踴躍  
喬梓任徘徊齊化城前種通州壤內培蒲蘆同樣  
敏境土競呈材從此相教佈何方肯獨灰庠生貽  
法則國子遍迤邐擢后稷功長祝中丞律共謀後先  
斯善卷遠近樂登臺昔句閩中產金潞海外隈  
輜軒勤採訪康寧意悠哉

金薯傳習錄

五言律

金薯八咏

鄭應侯

薯栽

嘉植傳南畝垂閩第一功  
織羅牽葉碧嫩粉裹綃  
紅雨足分農隙秋深佐歲豐  
海邦金姓字樂利頌  
無窮  
生啖



半臂霞裳腿金根帶液春冰壺香濺齒玉玦冷侵  
脣上苑青梨長華峰白藕新欲知甘脆質海外問  
前因  
供饌

誰試鹽梅手調和紫石英天然金谷麝風味楚江  
萍香暖銀絲膾春深玉糝羹山散羅邨席錯認五  
侯鯖  
晒錢

萬選金園脫千叢玉片香夜分深抱月秋曉淡團  
霜傍草鯨文合窺人鵝眼長村農真富足擲地不  
收藏

造脯

一束山家脯三冬比戶糧小鮮烹處異社肉割來  
方雪後天漿凍霜中石密香乾饌饒野味不長水  
雲鄉  
澄粉

嫩質和根碾山盤薦水晶齊紈懸月皎謝練展天  
晴細膾銀羅合調羹玉液清何卽如得此輕傳更  
多情

釀酎

不藉稻梁力祇憑麴蘖功金梭筍甕底冰蘊漉山  
中色泛松花冽香生竹葉融葡萄重進釀還與抗  
春風  
擷蔬

米采依畦畔傾盆帶露烹。鳧葵空折甲鴻薈尚孤  
莖月淡和盤現霜勺助鼎清根苗齊地軸饑饉獨  
豐盈

金薯咏其一

林龍友

孰導薯充穀南邦文獻存種先來外國栽已遍中  
原教稼功堪並貽牟利不言何時崇廟祀伏臘薦  
雞豚

其二

下國無饑困何殊粒我民神農遺本草后稷有功  
臣覓種煩先哲傳栽賴後人只今青豫省樂利憶  
南閩

其三

旱潦都無患高低隨所宜底須爭地利妙不限天  
時作苦農差逸分莖稻更憐我

朝始蕃植天錫太平基

前題

莊朝爵

憲澤貽佳種閩南佐九農功堪收百日寔不待三  
冬穎粟偏殊類饗殮儘可供分敷周禹甸應念始  
吾榕

前題

莊上昌

神物由天降天心默誘人清英分海島滋蔓匝原  
畝苜蓿真凡卉葡萄豈異珍占城傳早稻嗟莫足  
相倫

其二

不佔膏腴壤無憂旱澇天新梢充肯蓄枯梗收牲  
牲玉杵春為粉金刀斷作錢躡鴟雖可飯難及此  
純全

其三

異域携藤蔓豐功佐稻梁饔飧遂宿飽倉庾貯餘  
糧遍種閩南壤盛傳河朔鄉農家欽報賽應祀以  
馨香

金薯傳習錄

七言古

咏金薯

孫桂

閩南嘉種異，菽麥相傳種。出中丞賜中丞體，國豫  
籌荒廣為蒼生貽樂利。金薯遠自海邦來，子母鈎  
連沙磧地。丹皮水液纍然生，紅塵不擾郵傳騎。閩  
閩咸慶大有年，寧讓稷黍充饌糈。迄今中丞安在  
哉，閩人啣恩思不置。豈徒邵伯有甘棠，蒸食猶蒙



金姓字

前題

鄭兆元

昔賢嘗言一介士存心利物必有濟況乎佐穀表  
殊功幾比來牟徧樹藝吾閩挺出潁川君翔步雍  
宮稱偉器海濱瘠确民食艱殷勤每切豐凶計粵  
稽明代巡撫金救荒籌畫多神智甘藷致自番舶  
來布種蔓生蘓因敕君家栽植有祖傳幾世修明  
法則脩更思分種惠遐方囊篋收藏聊一試自青

而豫而幽燕壤鹵墳壚咸暢遂爾來傳授蕃衍多  
用佐饗殮同糗餌蝗蝻旱潦可無虞招種宣揚自  
君始重毀金公海外篇務使千年垂勿替只今僉  
請立專祠應與先農祠並置披圖想見宏濟心僻  
處窮村盡翹企

前題

吳肇文

朱薯種本呂宋地前明賈客駕航至吾閩得薯勝  
得金亦越金公法始脩相資五穀可壽人徧植四

隅昭美利歲豐收薯畝棲糧歲歉收薯饑可飼燥  
濕剛柔土異宜秋成掘取同拳臂水耕火耨情農  
愁起町插苗隨布置痼瘵在抱金公心力省功多  
澤永被知者創法能者述海疆刊布馳星使纍纍  
癰瘡起溝中歌功詩賦琳瑯比二百餘年愷澤滂  
公名僅乃見郡誌七則未收入藝文咄哉陳篇可  
焚棄闡幽先輩葉與何歌咏始詳閩書記至今利  
澤匪東南荷鍤負鋤徧充冀古來教稼在育民后

稷神農公繼志堪叅一座祀春秋遺愛千秋留姓  
字峴山代遠尚有碑何忽今人與古異長歌慷慨  
寄遙思應有輶軒達驛騎

前題

吳肇深

美哉著乎饑可食東南徧植延充冀呂宋傳來自  
前明吾閩先得為民利創法始伊誰金公蒞閩地  
新編海外傳七則垂布示山陬及海隅荷鍾習稼  
事曠土游民兩俱無夏作秋成最易易不奪農功

不害時力半耕耘息倍萃為脯為醅粉與錢多端  
製造隨人意葉可蔬兮莖可薪方之百穀無遺棄  
無煩碾臼無粃糠渣澤猶充牲畜飼旱澇颶蝗亦  
有秋李憲則法更詳脩二百餘年飽嚼薯荒不為  
災有特異報德宜祀祠虛名僅郡誌甘棠尚歌思  
矧乃澤永被姓留町畹閱世長食德村民不忘自  
古人每飯祭先民報本猶存熟食賜名宦鄉賢未  
稱勲應有專祠另位置從明迄今事缺傳喜有陳

君家乘記刊布徵詩文始表金公勛歌頌各揮毫  
森森珠玉比巴音何以廢陽春聊同口碑廣揚詡  
前題

吳常吉

稷視天下由已饑教民辨種力耘耔播厥百穀民  
人育往往水旱尚瘠咨安得嘉種殊黍稌不擇地  
利與天時皇天養人何可測早降此種東南夷東  
南夷號呂宋國海濱珠寶多珍奇九州賈客恣貿  
易獨此嘉種不相貽良賈經綸閩中傑剪藤秘篋

逐風馳烟波萬里飛十櫂歸來初種紗帽池紗帽  
池邊土物宜九月十月稻梁垂短鎌獲罷執長鋤  
剔莖掘卵光纍纍淡紅厚赤凝琥珀擁腫屈曲起  
蛟螭小如拚拇大如臂閩人見之爭驚疑此物原  
來佐百穀欣奔報與金公知金公命薦玉盤上細  
切片々耀琉璃甘脆已入啖蔗境痊疴何必雪藕  
絲烝之浮浮香始升婦子飽嚼各嘻嘻自嘆數年  
勤撫粵救荒畫策空憂心早得芥薯入中國凶年

省却萬民疲廼播七則青郊外往來傳種飛相追  
溪隈山角無遺壤窮簷歎歲有朶頤皇天養人何  
可測彼都厲禁那得私邇來潁川多述事更傳青  
豫達京師后稷于天稱有相相稷應勒金公碑幽  
齋夜讀常飽德高歌一曲續幽詩

前題

黃鳳翔

有明萬歷之甲午外域携來青如縷不需天澤不  
爭肥物性偏宜我中土敷榮蕃碩遍閩中盈筐盈



箱樂比戶迄今冬夏二百年豐歉頻佐穀之五磨  
粉聊可糝為羹釀酒殊不薄於魯八蜡以外欲報  
功金公李公田之祖當年渡海倘携金懷寶僅堪  
稱大賈一家溫飽千家饑於世於人終何補只此  
靈苗尺許長黃精山藥難為伍因地之利乘天時  
行看窮簷腹可鼓

前題

萬紹祖

去年客從海舶歸傳言青豫土脉肥中潞異物恍

閩產皮朱穰黃甘且酢齡曾讀閩小紀詳載朱  
薯淨海始遙携嘉種迺閩越惜哉未嘗登姓氏今  
春驚島宴遊頻良友投來紀載新粵稽萬歷當甲  
午金公學曾初撫閩誰截尺蔓來呈獻陳氏高祖  
名經綸海外新篇廣刊布金公所著培豐補歉功效神  
欣逢今

上十七載東藩李憲流忠愛李公渭詳推金法布窮簷家  
諭戶曉如親誨蕃生無間嶽東西靈根周遍河內

外吁嗟金李二巨公二百餘年共仁風陳生世元  
偕三子到處贊襄收全功在昔明農恩浩蕩種薯  
佐穀差無兩不憂天時任旱澇不爭地利隨長養  
南金北李應廟祀千秋俎豆垂天壤

前題

莊琚

嘉種傳來呂宋國僻壤遐陬全栽植最羨金公遺  
澤多農氓野老戴公德今君繼美自吾閩海外新  
傳廣播揚生熟盡可資百穀美利因之遍五方君

不見先農初播種  
馨香薦無極  
金公功與后稷參  
前後歌頌為慙慙  
不知此日食德者  
猶溯原來恩  
意湛

前題

藍 乾

範疇八政食為魁  
有濟民艱俱力培  
五穀首推次  
佐食無如佳種有  
薯栽薯栽不讓硃  
碓土沙白水  
清尤肥腴八寸根  
舒萬丈纏纍々玉  
外衍無數困  
困露積陌阡頭  
筐筥盛來舟載浮  
兜女生次俱喜

嗜饕餮飽食日休休剖開玉乳冰肌冽調罷薄益  
解饑渴稚子初服壯筋骸老人入口無哽噎中和  
性殊交趾米甘脆還同萍寔旨釀以麴蘖盛之苑  
娛賓速舅飲之几嗟哉蘇粟功乾坤誰物敢持並  
等論一旦歲荒來佐食朱薯活命萬民恩洞莩雖  
熟幾人仙茯苓雖獻幾人沾唯有金薯處：播閩  
南冀北濟無邊問荅種自何方至呂宋航洋萬歷  
始種不自來必有因陳公返國姑先試一試蕃行

已盈掬再試蕃衍適郊麓特獻金公表

帝京一時海內通錢鬻通錢鬻園圃足一飭兩文舉家  
粟醉飽莫知所自来幾忘今日有人續

前題

盧 遠

我聞菜不熟曰饑功比穀植方與苞老圃傳示不  
一種補助之法同秦抄吾閩薯產始呂宋其足率  
育無肥磽如邠如棗如峯指宜酒宜脯宜錫膠閩  
中生齒日以衆山田水田分營巢蕪之水旱畱粒

食稻廬輸賦空飯猶有明金公作民牧賑念民隱  
營邠郊乃與門士經綸子種薯良法頻來教只今  
雲孫能嗣業服賈歷遍河汴交往來青豫惠嘉種  
芟却薦拂蕪蘿梢平疇縱橫羣養蔓草固木斛盈  
堂坳其功足以補不足寧等茂草和芄苢我想金  
公自千古陳子繼之心云夥吾儕雖弗學老圃穡  
事寧忍全輕拋緬茲良賈為色喜不獨橘柚詳厥  
苞韶年輶鼓未遠駕聞此亦足欣衡茅誰能育物

昔此意萬井生趣盈烟苑田田相距無歉歲漫飫  
藿釀西鄰庖種薯一節自歌頌誠能擴之民吾胞  
終歲不饑奚有饑化日長與羲和敵

前題

郭可敬

百穀由來惠孔長別傳嘉種佐平康原從殊域來  
南土遂得移根到四方名與邵平瓜作耦譽同諸  
葛菜流芳引藤帶雨看疎密頗寔經秋足蓋藏得  
趣俚隨湯餅列薦新常在露葵傍初疑切玉通盤



白旋訝炊金溢甑黃共說清甜逾秬秠獨誇芬馥  
勝菰梁卽厨不羨調羹美漢寢何愁乞飯忙倘附  
藕莖誰後噉如登麥穀定齊嘗釀醪欲脫陶公帽  
食餌還依王子床下咽儘教筋力健加飧遍繞齒  
牙香只今按法相傳處烟火長資萬戶糧

金薯傳習錄

七言律

金薯咏

江朝賓

中丞偉績播南方異種傳來脩歲荒  
鱗甲露中分地力龍蛇霜下飽  
天漿漫言剝後無梨棗不信秋  
深雜稻梁水耨火耕渾省却千年  
海國咏甘棠  
前題二章  
董謙吉

霜後累々報有年  
枌榆里社樂堯天  
乍疑紅稻來

金  
鸚鵡初綻青田起蜿蜒灌圃桔槔徒過計重農稼  
穡任為先盤殮歲晚炊金玉不是張騫海外傳  
低護烟蘿雨露含遭逢德政布閩南三秋玉屑依  
誰和五穀精華直與叅禹貢當年惟有土幽風土  
世未分甘棠陰漸長循行後愷澤高深萬戶啣  
前題

林超騰

海外靈根帶曉霞何年移種入中華滿含雪艷和  
冰液深隱山隈與水涯蔬食謾傳諸葛菜庖厨不

事卻陵山生成甘旨霜前寔每協倉箱足萬家

前題

陳九振

不奪膏腴不害時相宜人地補春犁黃梅雨歇含  
金成青女霜寒綻玉肌天使憂心勤國計儒生義  
氣為防饑年來佳種分甘遍水角山隈有口碑

前題

陳聖炅

鈎連母子伏沙洲翠蓋重々傍晚疇雨偃赤文根  
衛密雲移油幕萼陰抽甘分苜蓿盤中味熟共來

莽陌上收數稔不聞呼夜吏盈溝棲畝僦車牛

前題

周時權

紫莖綠萼滿平疇沙磧埋根纍寔週遺利姓隨町  
晚永降康種向島夷收不隨九穀爭先播也向三  
農占晚秋磽确東南培植遍更傳良法到中州友  
捷先栽種廣傳其法於  
膠東等郡近有成效

前題其一

施楠

海國靈根報有年編氓比戶樂堯天始知佳種來

三島猶勝中田取十千雪液乍凝平圃月露痕輕  
噴鹿場烟車篝有味秋風早父老扶犁頌昔賢  
其二

不須擇地自敷榮異種傳來佐歲成半圃銀漿生  
甲折連銖冰液長勾萌邵平未敢矜瓜瓞諸葛猶  
當遜蔓菁環海至今皆被澤一年耕有十年耕  
其三

當年咫尺蔓入閩中紗帽池頭溥惠風霞腿半含冰

萌脆天漿輕裹絳綃紅十州被澤傳何遠百越垂  
休利靡窮今日貽留到青豫此中培植更誰功  
前題

張念祖

番薯已入羣芳譜海舶傳來始自明利盡三農侔  
稼穡寔隨九土結菁英占時不用憂金歲課獲何  
須問水耕異代至今貽樂利名棠同一錫嘉名  
前題其一

鄧爲綱

盤根蔓節偃平阿沙裏金莖玉笋多夜月傍堤勻

露濕曉風吹葉帶烟過香分比櫛倉中粒功等郊  
原壠上禾闌土百年收樂利含哺時聽野人歌  
其二

何年嘉種入中原曾說金公鎮撫恩携得靈苗來  
海國溥將累寔到山村盤堆玉粒青絲飯膳佐香  
厨碧黍殮百穀譜中應別訂好教田吏細評論

前題

雷文增

傳來嘉種自蠻方苜蓿甘分併作糧葉滿平沙龍



甲遍根盤淺土虎牙長調羹不待鹽梅濟辨種寧  
輸菽麥良海國至今留姓氏應將明德薦馨香

前題

陳玉田

朱薯種始布閩南呂宋芰歸挾小籃憶昔撫軍能  
辨物喜今國子樂分甘推移楚豫羣知利傳佈燕  
齊衆已湛教有孔朱養有稷金公功已位參三  
咏金諧

史丹書

誰為工省利偏饒海國朱諧衍沁遙携種不殊林

邑稻命名應並漢州。耕三句。梅雨滋紅蔓。萬顆瓊漿裹紫綃。喜得納禾時節過。又看硯确起歌謠。

其二

山園曾不費劬勞。盈舛偏能飽老饕。和餌已如殮  
糲。粗釀糟蕪。欲壓葡萄炊金飯。擬青精餽糝玉羹。  
疑碧澗毛。最是腐儒粗糲。缺地爐煨火樂陶陶。

其三

野場爭自寔離離。南國猶存召伯思。青豫誰教詳

學圃村墟長使足生涯堪憐肯藉空肥馬不羨岷  
峨有躡鴟漫說陶朱能致富種魚經未濟斯饑  
前題

吳大煥

金薯種是外邦來傳到南閩得譜栽有土何分肥  
瘠壤大田亦讓稻梁堆饗殮日給長相濟豐歉年  
更可禦灾移植廣教東北地功參造化配蘭茝  
前題

陳遵燦

金薯出產在殊方移種南邦到處良隴上偏宜寒

與暑町中那辨白和黃分培李憲恩波渥傳植金  
公惠澤長漫道馨香輸黍稷農夫頻藉四時糧

前題

吳常吉

嶺角溪隈結邛竒長年佐穀飽東夷海舟尺蔓衝  
波出粵隴枯藤帶露埒沙裏秋成驚伏蛭盤中日  
食厭蹲鴟金公到處聞歌咏留待何人為勒碑  
前題

莊騰芳

金公有志切民依遠載殊方異種歸樹挿不憂時

旱澇栽培無碍地  
硃肥特傳良法教  
充膳並勒成書  
導救饑功德永垂  
流奕禩春秋崇祀  
仰芳徽

前題

黃名香

一自珠崖到海濱  
蔓山遍野每相因  
托根得地能蕃衍  
結寔隨時任屈伸  
甘比水芝堪佐酒  
功逾山藥可療貧  
南邦處處傳佳種  
荒歉常供世上人

前題

梁上寶

藍輿分種入閩中  
培植南來處處同  
碧葉紅藤舒

玉露紫莖綠萼拂金風托根不與禾爭地獲利偏  
隨穀並功自是中丞多偉績三農從此慶年豐

前題

張為鈞

漫羨西疇慶有秋金薯佐穀徧山陬水盤貯出丹  
霞映碧甕蒸來玉露浮火耨水耕超徃聖函吹蜡  
飲邁前休金公惠溥明昭賜餘一餘三遍九州

前題

陳大述

種自殊方到海濱當年指授有高人天漿已得分

甘美耕具無煩費苦辛野外平鋪堪作歲秋深涿  
蔓也宜民金公惠澤還流行千載應知俎豆陳  
前題

陳雲章

紗帽池邊亦夙因靈根培植最宜民山原布種來  
番舶青豫分甘始古閩晚圃堆金千歲稔香厨切  
玉萬家春須知利濟無窮處舊錄新傳賴有人